

稱量尊那如是七種無盡功德法若有善男子善女人發至誠心具足此法所獲無盡功德不可思議不可稱量功德甚多名大功德蘊尊那譬如五大河恒流其水所謂宛伽河閻母那河薩囉喻河愛囉轉帝河末泗河而此河水不可限量如是河水乃至盛水之器百數千數百千億數其水甚多名為水蘊無盡功德亦復如是尊那此七種無盡功德法悉皆具足是善男子善女人所獲功德不可思議不可稱量具大名聞及大果報功德甚多名為大功德蘊

今時大尊者尊那復白佛言世尊此無盡功德若人具足此法其實不虛獲大果報具大稱讚名聞普徧甚深廣大佛告大尊者尊那言如汝所說實獲此無盡功德果報如是

佛言尊那復有七種無盡功德法有大果報具大稱讚名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可

稱量何等為七

尊那若有淨信善男子善女人聽聞如來或聞聲聞衆在彼聚落或在城隍經行遊止聞如是已生大歡喜起大善意發菩提心尊那此是第一無盡功德法有大果報具大稱讚名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量

復次尊那若有淨信善男子善女人聽聞如來及聲聞衆或往聚落或詣城隍聞如是已生大歡喜起大善意發菩提心尊那此是第二無盡功德法有大果報乃至名聞普徧甚深廣大若淨信善男子善女人能具足此法是人於四威儀中恒得增長無盡功德所增功德不可思議不可稱量

復次尊那若有淨信善男子善女人聽聞如來或聲聞衆在於路次聞如是已生大歡喜起大善意發菩提心尊那此是第三無盡功德法有大果報乃至名聞普徧甚深廣大若善男

子善女人能具足此法是人於四威儀中恒得增長無盡功德所增功德不可思議不可稱量

復次尊那若有淨信善男子善女人聽聞如來或聞聲聞衆到於聚落或到城隍聞如是已生大歡喜起大善意發菩提心尊那此是第四無盡功德法有大果報乃至名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量

復次尊那若有淨信善男子善女人到於佛所或至聲聞所禮拜瞻仰聽聞妙法聞是法已生大歡喜起大善

意發菩提心尊那此是第六無盡功德有大果報乃至名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量

復次尊那若有淨信善男子善女人於如來所或聲聞所聞是法已起大善意歸佛法僧歸三寶已乃至受於如來清淨戒法尊那此是第七無盡功德法有大果報乃至名聞普徧甚深廣大尊那若善男子善女人發至誠心能具足此法是人於四威儀中恒得增長無盡功德所增功德不可思議不可稱量

尊那如是七種無盡功德法若有善男子善女人能具足此法所獲功德不可限量尊那此七種無盡功德法若有善男子善女人發至誠心能具足此法所獲無盡功德不可限量如是功德名聞稱讚及大果報功德甚多名為大功德蘊

復次尊那譬如五大河恒流其水所謂苑伽河閻母那河薩羅喻河愛

佛說尊那經

第七張 斤

囉縛帝河末四河而此河水不可限量如是河水乃至盛水之器百數千數百千億數其水甚多名為水蘊無盡功德亦復如是

尊那此七種無盡功德法悉皆具足是善男子善女人所獲功德不可思議不可稱量具大名聞及大果報功德甚多名為大功德蘊今時世尊而說頌曰

清淨修禪行唯修聖跡中採寶無過海如河濟有情河水無邊際泉流還復源布施獲多福如河常流海
今時大尊者尊那聞佛說已歡喜作禮信受奉行

佛說尊那經

乙巳歲高麗國大藏都監奉

勅剛造

佛說尊那經

第八張 斤

佛說尊那經

校勘記

- 一 底本，麗藏本。
- 一 八四五頁上一行經名，石作「佛說尊那經一卷」。卷末經名同。
- 一 八四五頁上二行譯者，資、積、普、南作「三藏法師法賢奉詔譯」；徑、清作「宋西天譯經三藏朝散大夫試光祿卿明教大師法賢奉詔譯」。
- 一 八四五頁下二二行第五字「人」，積作「入」。
- 一 八四六頁中五行第九字「此」，資、積、普、南、徑、清無。
- 一 八四七頁上末行「閻母那」，資作「閻母那」。